

իշխեաց խաւսել զայդպիսի բանս մահապարտութեան՝ վասն զի մեծամեղ է եւ չէ արժանի կելոյ՝ իւր իսկ վատ գործքն չտան դմա կեալ: 3 Իսկ դուք թեպետ եւ եք տակաւին ինչ վնասակարք, եւ զկամս<sup>1</sup> թագաւորին եւեթ առնէք եւ արեգականն երկիր պագանէք՝ հրամայեաց զվնասն թողուլ ձեզ եւ զձեզ պատուով եւ ողջանդամ<sup>2</sup> ի տունս ձեր արձակել:»

4 Զրամայելին եւս Վեհդենշապուհ եւ այլ հաւատարիմքն որ ընդ նմայն<sup>3</sup> էին՝ սրբոյն Սահակայ, ասել ցերանելի այրն Աստուծոյ Ղեւոնդ<sup>4</sup>, թէ «Մեր լուեալ է վասն քո, թէ աւրինաց քրիստոնէից իբրեւ զքեզ ոք տեղեակ չէ, եւ ի քո խրատուէ աւելի եւս կորեաւ աշխարհն Զայոց. արդ՝ այդպիսի մեծ եւ իմաստուն մտաց պարտ է ճանաչել զարքայից արքայի<sup>5</sup> զբարերարութիւնն, զի զայնչափ զվնասն<sup>6</sup> թողու ձեզ եւ ձեզ ճշմարիտ աստուած ծանուցանէ: 5 Արդ՝ որպէս եղեր խրատատու, եւ բազումք մեռան ի քո առնելոյ՝ լէ՛ր այժմ խրատատու<sup>7</sup> կենաց, եւ թող կեան եւ դոքա եւ այլ բազում անթիւ անձինք. ասա՛ ցոյսա, զի պագցեն արեգականն երկիր եւ կեցցեն. եւ դու այնպիսի պատիւս գտանես ի թագաւորէն, որովք անուանի լինիս ի քում աշխարհին եւ յամենայն ազգս»: 6 Եւ սուրբ եպիսկոպոսն Սահակ երկայնմտութեամբ եւ ծաղրելով թարգմանէր առ վայր մի սրբոցն զամենայն բանս ամբարակապետին եւ զնորուն անաւրէն գործակցացն<sup>8</sup>, որպէս զի ծանուցէ անաւրինացն պատասխանեալք սրբոցն՝ զիւրաքանչիւր անձին զերանելեացն զկամս եւ զփափագ<sup>9</sup> եւ զանշարժ հաստատութիւնս նոցա ի հաւատն:

7 Եւ սրբոյ առն Աստուծոյ Ղեւոնդի<sup>10</sup> սկսեալ խաւսել առանձինն ընդ սրբոյն Սահակայ՝ ասէ, թէ «Մեզ դոցա պատասխանի այնքան պարտ է առնել՝ որչափ արար պատասխանի Փրկիչն Պիղատոսի յատենին: 8 Բայց զի ծանուցուք աներկիւղ զցանկութեանս մերոյ զինդիրն՝ ասա՛ ցոյսա. «Դուք ասացէք աւաղիկ՝ զոր ինչ լուեալ է ձեր վասն իմ, թէ աւրինացն մերոց տեղեակ եմ, եւ բազմութեան ժողովրդոց եղեալ եմ ուսուցիչ. ցուցանէ ձեզ տիոց իմոց<sup>11</sup> մերձաւորութիւն ի կատարումս: 9 Եւ արդ՝ զընտրողութիւն լաւ գիտութեան իմոյ, որում դուք իսկ վկայէք, զի ուսեալ եմ յԱստուծոյ եւ ոչ ի մար-

1 Ուղղելի՛ եթէ զկամս

2 ՏՏ. պատուով ողջանդամ

3 Ձ. ընդ նմա

4 Ձ. դեւոնտ

5 Ձ. զարքայից արքայէ

6 ՏՏ. վնասն

7 Ձ. այստեղ եւ յետոյ՝ խրատատու

8 Ձ. օրէն գործակցացն

9 ՏՏ. փափաք

10 Ձ. այստեղ եւ յետոյ՝ դեւոնտի

11 ՏՏ. տիոյ իմոյ